



An Scéim Rannpháirtíochta san Ailtireacht 2022

Treoirlínte d'Iarratasóirí

Spríodhata: 5.30pm, Déardaoin, 9 Meitheamh 2022

Tabhair faoi deara: daoine faoi mhíchumas nó daoine a bhfuil riachtanais maidir le bealach isteach acu

Déanann an Chomhairle Ealaíon gach iarracht freastal réasúnta a chur ar fáil do dhaoine faoi mhíchumas nó do dhaoine a bhfuil riachtanais maidir le bealach isteach acu ar mian leo iarratas a chur isteach nó a bhfuil deacrachtaí acu teacht ar Sheirbhísí ar Líne. Má tá riachtanas speisialta agat sa réimse sin, déan teagmháil le hOifigeach Rochtana na Comhairle Ealaíon, ar an nguthán (01 618 0200/01 618 0243) nó trí ríomhphost (access@artscouncil.ie) chomh luath agus is féidir roimh an spríodhata.

CLÁR

Pointí tábhachtacha nach mór cuimhneamh orthu	2
Cabhair a fháil maidir le d'iarratas	3
Cabhair a fháil maidir le d'iarratas	3
Pointí tábhachtacha nach mór cuimhneamh orthu	4
1. Faisnéis faoin Scéim Rannpháirtíochta san Ailtireacht	5
1.1 Cuspóirí agus tosaíochtaí na scéime	5
1.2 Cé atá i dteideal iarratas a dhéanamh?	6
1.3 Cé hé an t-iarratasóir?	6
1.4 Cé nach bhfuil i dteideal iarratas a dhéanamh?	6
1.5 Cad ar ar féidir leat iarratas a dhéanamh?	6
1.6 Cad nach féidir leat iarratas a dhéanamh air?	8
1.7 Cén t-ábhar tacaíochta nach mór duit a chur isteach le d'iarratas?	9
1.8 Incháilitheacht	11
2. An dóigh le d'iarratas a dhéanamh	12
2.1 Cláraigh le Seirbhísí ar Líne na Comhairle Ealaíon	12
2.2 Líon isteach an fhoirm iarratais	13
2.3 Ullmhaigh aon ábhar tacaíochta atá riachtanach don iarratas	13
2.4 Iarratas a dhéanamh ar líne	14
3. Próiseáil agus measúnú na n-iarratas	16
3.1 Forbhreathnú	16
3.2 An próiseas measúnaithe	16
3.3 Critéir chun iarratais a mheasúnú	16
3.4 Painéil phiaraí	17
3.5 Toradh na n-iarratas	18

Cabhair a fháil maidir le d'iarratas

Má tá ceisteanna agat faoi shuíomh gréasáin na Seirbhísí ar Líne a úsáid, tabhair cuairt ar rannán na gCeisteanna Coitianta ar ár suíomh gréasáin: <http://www.arts council.ie/ga/Teigh-i-dteagmhail-linn/FAQS/Seirbhisi-ar-line/Seirbhisi-ar-line/>

Má tá ceist theicniúil agat faoin bpróiseas iarratais ar líne agus nach bhfuil freagra ar do cheist i rannán na gCeisteanna Coitianta, is féidir leat ríomhphost a sheoladh chuig onlineservices@arts council.ie, nó glaoch ar an gComhairle Ealaíon ar **01 618 0200/01 618 0243**

Má bhíonn ceist agat faoi d'iarratas nach mbaineann le cúrsaí teicniúla, ba cheart duit teagmháil a dhéanamh leis an bhfoireann ealaíon a bhfuil iarratas ar mhaoiniú á chur faoina bráid agat ar ríomhphost nó ar an bhfón. <http://www.arts council.ie/ga/Teigh-i-dteagmhail-linn/Liostai-den-bhfoireann-agus-de-chomhairleoiri/>

Téigh chuig an nasc seo a leanas chun féachaint ar ár dtreoir ar YouTube maidir le hiarratas a dhéanamh: <http://www.youtube.com/arts council demos>

TABHAIR FAOI DEARA AN TREOIR SLÁINTE POIBLÍ MAIDIR LE COVID-19

Cé go meastar nach mbeidh COVID-19 chomh hábhartha is atá sé anois níos deireanaí in 2022, ba cheart duit, agus do thogra á réiteach agat, a bheith airdeallach maidir leis an bhféidearthacht go bhféadfadh sé tionchar a bheith aige ar sheachadadh na ngníomhaíochtaí ealaíon.

Mar gheall air sin, ba cheart duit a chinntiú go bhfuil an méid atá á mholadh agat indéanta nó inoiriúnaithe má bhíonn tionchar ag scaradh sóisialta agus/nó bearta sláinte poiblí eile ar an tréimhse ar fad nó ar chuid den tréimhse lena mbaineann an togra seo.

Má éiríonn le d'iarratas agus más gá duit cuid de do thogra nó é ar fad a athrú de bharr athrú sa chomhairle sláinte poiblí, ba cheart duit dul i dteagmháil le d'fhoireann ealaíon roimh ré chun é sin a phlé.

Pointí tábhachtacha nach mór cuimhneamh orthu

- D'fhonn iarratas a dhéanamh, **ní mór** duit a bheith cláraithe le haghaidh cuntas Sheirbhísí Ar Líne na Comhairle Ealaíon (OLS). Mura bhfuil ceann agat, is féidir leat clárú le ceann a fháil [anseo](#). Tabhair faoi deara go bhféadfadh sé suas le **cúig lá oibre** a thógáil sular féidir úsáideoir nua a chlárú ar OLS, mar sin tabhair go leor ama duit féin é seo a dhéanamh sula mbeidh an spriocdháta buailte leat.
- Molaimid go láidir duit an cháipéis seo a léamh go cúramach sula dtosaíonn tú ar an bpróiseas chun d'iarratas a dhéanamh.
- Molaimid go láidir duit freisin tosú ar an bpróiseas go luath agus **neart ama** a fhágáil chun d'iarratas a dhéanamh.
- Molaimid go mbeadh sé mar aidhm agat d'iarratas a uaslódáil **daichead a hocht uair an chloig ar a laghad** roimh an spriocdháta fógartha. Ar an gcaoi sin, bheadh am agat dul i dteagmháil linn má bhíonn aon fhadhbanna teicniúla agat agus bheimis in ann cuidiú leat.
- Tabhair faoi deara, de bharr an lín mhóir iarrthóirí a úsáideann an córas ar líne lá an spriocdháta, nach féidir linn a dheimhniú go mbeimid in ann aon fhadhbanna teicniúla a bheadh agat a réiteach, sa chás go dtéann tú i dteagmháil linn **i ndiaidh a 2.00 p.m. lá an spriocdháta**.
- Léigh an seicliosta seo a leanas go cúramach:

-
- Tá na treoirlíne seo léite agam agus tuigim iad.
 - Sa chás go raibh fadhb agam, chuaigh mé i dteagmháil leis an gComhairle Ealaíon chun cúnamh a fháil, i bhfad roimh an spriocdháta.
 - Tá gach cuid den fhoirm iarratais a bhaineann le m'iarratas comhlánaithe agam.
 - Tá gach ábhar tacaíochta atá riachtanach ullmhaithe agam, mar a shonraítear sna treoirlínte seo, agus tá siad sin réidh le huaslódáil agam.
 - D'iarr mé ar dhuine éigin eile m'iarratas a sheiceáil chun a chinntiú nach bhfuil aon earráidí ann agus nach bhfuil aon rud ar iarraidh.
-

1. Faisnéis faoin Scéim Rannpháirtíochta san Ailtireacht

1.1 Cuspóirí agus tosaíochtaí na scéime

Is é cuspóir na Scéime Rannpháirtíochta san Ailtireacht tacaíocht a thabhairt do thionscnaimh uailmhianacha, nuálacha agus chruthaitheacha ar ardchaighdeán – e.g. taispeántais, imeachtaí, féilte agus cláir. Tá sé mar aidhm shonrach aici cur le taithí an phobail ar an ailtireacht agus a rannpháirtíocht léi. Scéim forbartha atá anseo agus is é is aidhm léi gréasán ailtirí, coimeádaithe, ríomhchláraitheoirí ealaíon, féilte agus ionaid ealaíon sa réimse cleachtas seo san ailtireacht a chruthú.

Tá dhá shraith sa scéim seo:

Snáithe 1: Forbairt agus taighde ar Smaointe

Is é cuspóir an tsnáithe seo deis a thabhairt d'iarratasóirí chun smaointe a bhaineann le cuspóirí agus tosaíochtaí na scéime a fhiosrú, a thástáil agus a fhorbairt. D'fhéadfaí é sin a dhéanamh go haonar, nó i gcomhar le daoine eile (e.g. ailtirí, ealaíontóirí, eagraíochtaí, grúpaí pobail, údaráis áitiúla, ionaid nó féilte). Moltar go mór don iarratasóir meantóir* oiriúnach (Éireannach nó idirnáisiúnta) a shainnithint agus oibriú leis chun cabhrú le forbairt an smaoinimh.

Is Snáithe forbartha é Snáithe 1 agus táthar ag súil go n-úsáidfear é le smaointe a thástáil agus taighde a dhéanamh orthu, ní gá go mbeadh an obair a dtugtar faoi i Snáithe 1 *mar bhunús* leis an tionscadal de réir mar a dhéantar cur síos air i Snáithe 2. Mar sin féin, féadfar smaointe do thionscadail a fhorbraítear faoi Snáithe 1 a úsáid le cur isteach ar mhaoiniú faoi Snáithe 2 don bhliain dar gcionn.

Cé go bhfuil ar iarrthóirí comhthéacs, i dtéarmaí a gcuid oibre go dtí seo agus an spreagadh lena n-obair a fhorbairt, a chur ar fáil leis an iarratas, níl orthu cuntas teiste a léiriú sa réimse cleachtas seo.

*Sa chomhthéacs seo, sainmhínítear meantóir mar dhuine ag a bhfuil taithí i dtionscadail a choimeád, a chlárú nó a fhorbairt san ailtireacht don phobal, ar bhonn náisiúnta nó idirnáisiúnta. D'fhéadfadh go mbeadh an duine sin ina (h)ailtire nó go mbeadh cleachtas ailtireachta aige/aici ach ní gá go mbeadh.

D'fhéadfadh an méid seo a leanas a bheith i gceist le tograí féideartha faoin tsraith seo:

- Smaointe óna dteastaíonn am, taighde agus fiosrú nó tástáil tosaigh.
- Smaointe óna dteastaíonn forbairt i gcomhar le daoine eile – e.g. pobal nó lucht féachana/éisteachta ar leith agus/nó comhpháirtí comhoibríoch
- Smaointe a bhainfeadh tairbhe as eolas agus taithí meantóra
- Togra atá ar bun ag ailtirí nó céimithe ailtireachta, cleachtóirí ealaíne nó coimeádaithe ar mian leo taithí a fhorbairt sa réimse cleachtas ar leith seo.

Snáithe 2: Réadú agus seachadadh tionscadail

Is é cuspóir an tsnáithe seo tacaíocht a thabhairt do thionscadail nuálacha agus uailmhianacha le smaointí úra ina gcrainn thaca acu agus a bhfuil sé mar aidhm shonrach acu taithí an phobail i leith na hailtireachta a fheabhsú agus a mhéadú. Tá sé riachtanach don snáithe seo go mbeadh ailtire nó céimí le hailtireacht ar dhuine de na baill is tábhachtaí den fhoireann.

D'fhéadfadh an méid seo a leanas a bheith i gceist le tograí féideartha faoin tsraith seo:

- Seachadadh tionscadail/cláir atá leagtha amach go soiléir, a bhfuil sé mar chuspóir lárnach aige rannpháirtíocht pobail san ailtireacht a ghríosú
- Nuálach agus uailmhianach sna bealaí ina ndéantar an ailtireacht a thaispeáint, a chur in iúl, a phlé agus a chur i láthair.

Cuireann straitéis deich mbliana na Comhairle Ealaíon (2016–2025), *Saothar Ealaíne Iontach a Tháirgeadh: Forbairt na nEalaíon in Éirinn a Threorú* an bonn eolais faoi na dámhachtainí uile (féach anseo: <http://www.artscouncil.ie/ga/straiteis-na-comhairle-ealaion/>).

1.2 Cé atá i dteideal iarratas a dhéanamh?

- Féadfaidh daoine aonair, údaráis áitiúla agus eagraíochtaí iarratas a chur isteach ar an Scéim Rannpháirtíochta san Ailtireacht.
- Tá eagraíochtaí a fhaigheann maoiniú trí chláir deontais eile de chuid na Comhairle Ealaíon i dteideal iarratas a chur isteach.
- Féadfaidh daoine atá ina gcónaí i bPoblacht na hÉireann agus eagraíochtaí atá bunaithe i bPoblacht na hÉireann cur isteach ar an dámhachtain. Bíonn cásanna eisceachtúla ann nuair a ghlacann an Chomhairle Ealaíon le hiarratais incháilithe ó dhaoine nach cónaitheoirí de chuid Phoblacht na hÉireann iad. Sula n-admhóidh an Chomhairle Ealaíon go bhfuil iarratas den sórt sin incháilithe, áfach, bheadh ar an gComhairle a bheith sásta go gcuirfeadh torthaí togra den sórt sin leis na healaíona i bPoblacht na hÉireann.

Mar chuid dá [Beartas um Chomhionannas, Cearta an Duine agus Éagsúlacht](#), tá an Chomhairle Ealaíon tiomanta do **chomhionannas rochtana, deiseanna agus torthaí** a chur ar fáil do gach iarratasóir, beag beann ar inscne, claonadh gnéis, stádas sibhialta nó teaghlaigh, creideamh, aois, míchumas, cine nó duine den Lucht Siúil, nó cúlra socheacnamaíoch. Sa scéim mhaoinithe seo, cuireann an Chomhairle Ealaíon fáilte ar leith roimh iarratais ó gach cuid de shochaí na hÉireann, lena n-áirítear aon cheann de na tréithe a luaitear thuas ach gan a bheith teoranta dóibh sin amháin agus/nó tionscnaimh a chuireann deiseanna nó torthaí cothroma ar fáil dóibh siúd atá bainteach leo.

1.3 Cé hé an t-iarratasóir?

Is ionann an t-iarratasóir agus an duine nó an eagraíocht a gheobhaidh aon deontas a thairgfear agus a bheidh freagrach as glacadh le téarmaí agus le coinníollacha an deontais sin.

Ní íocfar aon deontas a thairgfear ach isteach i gcuntas bainc atá á shealbhú in ainm an iarratasóra.

Ní mór go mbeadh na cáipéisí go léir a chuirfear ar fáil in ainm an iarratasóra (ealaíontóir aonair nó eagraíocht) – e.g. má dhéanann tú iarratas chuig an gComhairle Ealaíon ar mhaoiniú faoin ainm Máire de Barra, ní mór go mbeadh gach cáipéis, lena n-áirítear sonraí bainc agus sonraí cánach, san ainm sin. Ní ghlacfar le leaganacha malartacha amhail Mary Barry nó Barry Studios.

1.4 Cé nach bhfuil i dteideal iarratas a dhéanamh?

Daoine atá i mbun oideachas fochéime nó iarchéime faoi láthair nó a bheidh ina bhun le linn na tréimhse a bhfuil an dámhachtain seo ar fáil.

1.5 Cad ar ar féidir leat iarratas a dhéanamh?

Snáithe 1:

Is é an t-uasmhéid a dhámhfar ar gach iarratas rathúil:

Snáithe 2:

Is é an t-uasmhéid a dhámhfar ar gach iarratas rathúil:

€5,000
€25,000

Faoi **Shnáithe 1**, féadfaidh tú iarratas a dhéanamh ar mhaoiniú chun na costais a sheasamh maidir le smaointe, taighde agus forbairt i dtreo tionscadail a bhfuil rannpháirtíocht an phobail ina chroílár – táillí ailtirí/ealaíontóirí, táillí meantóirí, costais taistil, costais forbartha agus taighde. Níl sé riachtanach don tsnáithe seo go dtaispeánfaí an saothar seo go poiblí.

Faoi **Shnáithe 2**, féadfaidh tú iarratas a dhéanamh ar mhaoiniú chun na costais a sheasamh maidir le cur chun feidhme clár/tionscadal a bhaineann le rannpháirtíocht an phobail san ailtireacht – e.g. táillí ailtirí/ealaíontóirí, ionad a fháil ar cíos, costais a bhaineann le suiteáil nó le cur i láthair, an costas a ghabhann le tionscnaimh forbartha lucht féachana, for-rochtain agus oideachas, costais mhargaíochta agus phoiblíochta, costais taistil agus speansais ealaíontóirí.

Ní mór gníomhaíochtaí a dtugtar maoiniú faoina gcoinne a chur ar siúl laistigh de bhliain amháin ón am a fhógraítear tairiscint maoinithe.

Soláthróidh tú sonraí an chaiteachais bheartaithe i gcuid 3 den fhoirm iarratais. Mar aon leis sin, ní mór duit doiciméad buiséid eile a chur isteach ina leagtar amach imlíne an chaiteachais agus ioncain bheartaithe leis na sonraí cuí – ba cheart go mbeadh sé seo i ndoiciméad téacs nó scarbhileoige.

Chomh maith leis an teorainn a luaitear thuas, déanfaidh an Chomhairle Ealaíon breithniú ar chostais a bhaineann go saineúil le healaíontóirí faoi mhíchumas a bheith ag saothrú ealaíne. Más mian leat cur isteach ar mhaoiniú breise ar an mbonn sin, ba chóir duit faisnéis ina sonraítear na costais bhreise sin a chur ar fáil le d'iarratas.

Seo a leanas roinnt samplaí de thionscadail a fuair maoiniú faoin Scéim Rannpháirtíochta san Ailtireacht:

- Rinne céimí ailtireachta taighde agus forbairt ar an spéis a bhí aici sa chaoi a mbaineann grúpa sonrach ban úsáid as spás ina saol ó lá go lá. D'oibrigh sí i gcomhar le heagraíocht acmhainní agus le hionad ealaíon (Snáithe 1).
- Chomhoibrigh ailtire le déantóir scannán i dtreo clár faisnéise a dhéanamh ina n-inseofar scéal pobail agus a gceangal le háit (Snáithe 1).
- Chomhoibrigh ealaíontóir le hailtire i dtreo tionscadal mórsála a fhorbairt ina ndéanfar scrúdú ar ghnéithe den fhuaim i gcomhthéacs uirbeach (Snáithe 1).
- Rinne ailtire coimeádaíocht ar thaispeántas le clár sonrach a bhí leagtha amach chun rannpháirtíocht bhríoch an phobail a spreagadh i dtaca leis an gcoincheap, an t-ábhar agus na téamaí a cuireadh i láthair (Snáithe 2).
- D'oibrigh grúpa óige atá bunaithe in ionad ealaíon le hailtire chun fearas taistil, idirghníomhach a dhéanamh a chuir ar chumas an phobail féachaint ar a gcomhshaol áitiúil ar bhealach nuálach (Snáithe 2).
- Chuaigh údarás áitiúil i mbun comhpháirtíochta le hailtirí, eagraíochtaí agus le healaíontóirí chun clár leanúnach gníomhaíochta atá tiomnaithe don ailtireacht a sheachadadh (Snáithe 2).
- D'oibrigh líonra d'ionaid ildisciplíneacha le chéile chun clár imeachtaí a sheachadadh bunaithe ar shaothar sonrach arna dhéanamh ag ealaíontóir i gcomhar le céimithe ailtireachta (Snáithe 2).

Cé mhéad maoinithe ar féidir leat iarratas a dhéanamh air?

Is ionann an t-uasmhéid maoinithe is féidir leat a iarraidh agus an difríocht idir an **caiteachas beartaithe** agus an **t-ioncam beartaithe** a shonraíonn tú i gcuid 3 den fhoirm iarratais.

- Ba cheart go n-áireofaí leis an gcaiteachas beartaithe táillí na n-ealaíontóirí agus/nó na meantóirí,* costais taibhléirithe, costais maidir le cíós ar an ionad, costais theicniúla, costais mhargaíochta agus phoiblíochta, costais riaracháin, etc. Mar gheall ar an gcaoi a miondealaítear na costais a bhaineann le do thogra agus ar an gcaoi a ndáileann tú na hacmhainní, bíonn tuairim mhaith ag measúnóirí na Comhairle Ealaíon faoi indéantacht do thionscadail agus cibé acu an bhfuil nó nach bhfuil sé costáilte go réalaíoch.
- Ba cheart a áireamh leis an ioncam beartaithe an méid airgid a shíleann tú a gheofar ó mhaoinitheoirí eile, fáiltais ó dhíol ticéad, díolacháin, urraíocht tráchtála, etc.

Is tábhachtach freisin gach tacaíocht chomhchineáil** a léiriú san ioncam agus sa chaiteachas araon chun fíorluach agus luach iomlán do thogra a chur in iúl.

*Nóta maidir le pá ealaíontóirí

Tá an Chomhairle Ealaíon tiomanta do phá agus coinníollacha ealaíontóirí a fheabhsú. D'fhoilsíomar beartas maidir le luach saothair agus conraitheoireacht chóir chothrom ealaíontóirí. Tá sé tábhachtach go léann tú an beartas sin sula ndéanann tú d'iarratas. Iarrfar ort, mar chuid den phróiseas iarratais, an chaoi a

	gcinnteoidh tú pá cóir agus coinníollacha cearta do na healaíontóirí a oibríonn leat a leagan amach. Cabhróidh sé seo linn indéantacht d'iarratais a mheas.
**Nóta maidir le tacaíocht chomhchineáil	Má tá tú ag súil le tacaíocht chomhchineáil a fháil, is gá duit luach airgeadais a chur uirthi ionas go mbeidh an ranníocaíocht a dhéanann sí le fíorluach do thogra soiléir. Ba cheart duit caitheamh le tacaíocht chomhchineáil mar chaiteachas agus mar ioncam araon: pé méid a dhearbhaíonn tú ar thaobh an chaiteachais, ba cheart duit é a dhearbú freisin ar thaobh an ioncaim. Ní féidir am a thugann na stiúrthóirí nó comhaltaí boird a áireamh mar chostas chomhchineáil.

Iarrtar ort an t-ioncam, an caiteachas agus an méid atá á iarraidh agat a shonrú ag trí chéim le linn d'iarratais:

- Ar an mbuiséad mionsonraithe a chuireann tú isteach mar chuid d'iarratas
- Ar líne, nuair a chuirfidh tú tús leis an iarratas (na figiúirí iomlána amháin)
- I gcuid 3 den fhoirm iarratais.

Cinntigh go bhfuil na figiúirí iomlána mar an gcéanna sa dá chás. Cinntigh freisin gurb ionann an méid atá á iarraidh agus CAITEACHAS IOMLÁN lúide IONCAM IOMLÁN.

Costais rochtana d'ealaíontóirí faoi mhíchumas

Anuas ar an uasmhéid atá ceadaithe, déanfaidh an Chomhairle Ealaíon measúnú ar chostais rochtana a bhaineann go sonrach le saothair a dhéanann ealaíontóirí faoi mhíchumas, agus/nó costais neamhchaipitil maidir le rochtain don phobal (mar shampla, tráchttaireacht fuaimne, léiriúcháin) i gcásanna ina bhfuil toradh poiblí.

Más mian leat cur isteach ar mhaoiniú breise ar an mbonn sin, ba cheart duit an fhaisnéis seo a leanas a uaslódáil le d'iarratas:

- Cáipéis ghairid ina dtugtar achoimre ar do chostais rochtana bhreise
- Méid do chostais rochtana sa chuid caiteachais de bhuiséad d'fhoirme iarratais. Ba cheart an figiúr sin a áireamh leis an méid iomlán a iarrann tú freisin.

Cad is Costas Rochtana ann?

Cumhdaítear aon riachtanais a bhféadfadh a bheith ag ealaíontóirí faoi mhíchumas le costais rochtana, ionas go mbainfear aon chonstaic a d'fhéadfadh bac a chur ort do thogra a chríochnú. D'fhéadfadh costais i gcomhair am breise atá ag teastáil chun gné do thogra a chríochnú nó cúnamh sa bhreis chun do ghníomhaíocht mholta a sholáthar a bheith san áireamh, mar shampla.

Glacaimid leis an sainmhíniú ar mhíchumas ó Choinbhinsiún na Náisiún Aontaithe ar Chearta Daoine faoi Mhíchumas, ina sonraítear: 'Áirítear i measc daoine faoi mhíchumas na daoine sin ar a bhfuil mallachair fhadtéarmacha de chineál fisiciúil, meabhrach, intleachtúil nó céadfaíoch ar mallachair iad, nuair a nasctar iad le nithe eile, a d'fhéadfadh a bheith ina gcúis le cosc ar pháirteachas iomlán éifeachtach sa tsochaí ar an mbonn céanna le daoine eile.'

1.6 Cad nach féidir leat iarratas a dhéanamh air?

I measc na gníomhaíochtaí agus na gcostas nach féidir leat cur isteach orthu, tá siad seo a leanas:

- Mórcheannacháin chaipitiúla
- Príomhchostais leanúnacha

- Gníomhaíochtaí nó costais nach n-oireann do chuspóir na scéime
- Gníomhaíochtaí a d'oirfeadh níos fearr do scéim nó do dhámhachtain eile arna maoiniú ag an gComhairle Ealaíon nó arna feidhmiú ag gníomhaireachtaí stáit eile, Cultúr Éireann san áireamh
- Gníomhaíochtaí a bhí ar siúl cheana féin nó a gcuirfear tús leo sula ndéanfar cinneadh faoi d'iarratas
- Gníomhaíochtaí chun airgead a thiomsú le haghaidh carthanais, chun páirt a ghlacadh i gcomórtas, nó a bheidh ar siúl go príomha chun brabús a dhéanamh
- Gníomhaíochtaí a ndearna an Chomhairle Ealaíon measúnú orthu cheana féin, mura féidir leat a léiriú go ndearna tú an togra a fhorbairt óna chuir tú iarratas isteach an uair roimhe **nó** má mhol an Chomhairle Ealaíon duit go sonrach d'iarratas a atreorú chuig an dámhachtain seo. Cuimhnigh, áfach, nach ionann a leithéid de chomhairle agus léiriú go n-éireoidh leis an iarratas.
- Gníomhaíochtaí a bhíonn ar siúl i dtimpeallacht oideachais fhoirmiúil – e.g. ailtire cónaithe i scoil; déantar freastal ar ghníomhaíochtaí den sórt sin faoi *Thionscnamh Náisiúnta na nAiltirí i Scoileanna*, atá á reáchtáil ag Foras Ailtireachta na hÉireann agus á chómhaoiniú ag an gComhairle Ealaíon (feic anseo le haghaidh tuilleadh faisnéise: <http://www.architecturefoundation.ie>).
- Tionscadail a bhraitheann ar fhoilseachá(i)n mar mhodh le rannpháirtíocht an phobail san ailtireacht a spreagadh murar féidir a léiriú gur modh éifeachtúil agus cinnte atá san fhoilseachán le haghaidh rannpháirtíocht an lucht féachana/éisteachta – e.g. trí bhealaí seachadta cuí, deimhnithe.

1.7 Cén t-ábhar tacaíochta nach mór duit a chur isteach le d'iarratas?

Ciallaíonn ábhar tacaíochta ábhar **ar leith ó** d'fhoirm iarratais agus **sa bhreis air**. Cabhraíonn sé seo leis an duine a bhfuil measúnú á dhéanamh aige ar d'iarratas chun tuiscint níos soiléire a fháil ar do thogra. Léigh go cúramach cén t-ábhar tacaíochta a theastaíonn thíos, mar is é an chúis is mó a meastar iarratais a bheith neamh-incháilithe ná go dteiptear cloí leis seo.

Le bheith incháilithe le haghaidh measúnú ar mhaoiniú faoin Scéim Rannpháirtíochta san Ailtireacht, **caithfidh** tú an t-ábhar tacaíochta seo a leanas a chur isteach ar líne:

Tabhair faoi deara: ba cheart an t-ábhar ar fad atá liostaithe thíos a chur isteach mar cháipéisí aonair agus iad a lipéadú go soiléir.

Snáithe 1: Forbairt agus taighde ar Smaointe

- CVanna mionsonraithe atá cothrom le dáta (dhá leathanach ar a mhéad) do gach duine a bhfuil baint aige nó aici leis an togra, lena n-áirítear an meantóir nuair is cuí
- Cáipéis (leathanach amháin ar a mhéad) ina leagtar amach an spreagadh le cur isteach ar Shnáithe 1 i gcomhthéacs forbairt do chleachtas oibre agus do thaithí
- Cáipéis (dhá leathanach ar a mhéad) ina leagtar amach go soiléir coincheap agus comhthéacs an tionscadail a ndéanfar taighde agus forbairt air, agus ina leagtar amach an plean oibre, achar ama agus na torthaí a bhfuiltear ag súil leo don ghníomhaíocht seo
- Cáipéis (leathanach amháin ar a mhéad) ina sonraítear an comhaontú idir an t-iarratasóir agus aon chomhpháirtithe beartaithe – ba chóir go gcuirfí miondealú soiléir ar ról agus ar fhreagrachtaí san áireamh in aon cháipéis den sórt sin
- I gcás go mbeartaítear meantóir, sceideal de chruinnithe agus an obair atá geallta ag an meantóir agus an iarratasóir. Ní mór fianaise a áireamh gur aontaigh do mheantóir beartaithe páirt a ghlacadh sa tionscadal.

Snáithe 2: Réadú agus seachadadh tionscadail

- CVanna mionsonraithe atá cothrom le dáta (dhá leathanach ar a mhéad) do gach duine a bhfuil baint aige nó aici leis an togra
- Buiséad mionsonraithe ar leithligh ina leagtar amach an t-ioncam agus an caiteachas beartaithe don tionscadal (ní mór é sin a chur isteach chomh maith leis an bhfaisnéis bhuiséid atá san fhoirm iarratais)
- Cáipéisí ina sonraítear an comhaontú idir an t-iarratasóir agus aon chomhpháirtithe beartaithe – ba chóir go gcuirfí miondealú soiléir ar ról agus ar fhreagrachtaí san áireamh in aon cháipéis den sórt sin
- Fianaise ar obair chuí agus ábhartha roimhe seo – e.g. samplaí de chlár, d'imeachtaí, de cheardlanna nó de thaispeántais a raibh tú féin nó comhaltaí d'fhoirne bainteach leo
- Cur síos scríofa (dhá leathanach ar a mhéad) den *Phlean Rannpháirtíochta agus Eadrána* i gcomhair do thionscadail. Ba chóir go mbeadh straitéisí a bhaineann le do smaoineamh, réasúnaíocht agus modheolaíocht sa réimse seo san áireamh. Ba cheart go dtabharfaí breac-chuntas sa doiciméad seo ar an gcaoi a bhfuil sé i gceist agat rannpháirtíocht an phobail leis an ailtireacht a chinntiú mar thoradh ar do thionscnamh. Ní plean margaíochta atá sa doiciméad seo.

Ábhar breise a bhíonn de dhíth i gcásanna áirithe

Má tá costais rochtana bhreise á lorg agat chun tacú le hobair le daoine aonair a bhfuil riachtanais rochtana acu, nó chun tacú le rochtain ar d'áit oibre do lucht féachana a bhfuil riachtanais rochtana acu, cuir cáipéis san áireamh ina leagtar amach na costais sin, agus an chaoi ar thángthas orthu. Déan cinnte go gcuireann tú an méid breise san áireamh mar chuid de do bhuiséad.

Má tá obair le hainmhithe i gceist le do thogra, ní mór duit cóip den cháipéis *Beartas agus Nósanna Imeachta um Chosaint Ainmhithe* de do chuid a chur ar fáil.

Maidir le hiarratais a bhaineann le leanaí agus le daoine óga atá faoi bhun ocht mbliana déag d'aois

Éilíonn an Chomhairle Ealaíon ar gach duine aonair agus ar gach eagraíocht a sholáthraíonn seirbhísí (mar shampla seirbhísí cultúrtha, áineasa, oideachais) do leanaí agus do dhaoine óga atá faoi bhun ocht mbliana déag d'aois beartais agus nósanna imeachta oiriúnacha um chosaint leanaí a chur i bhfeidhm. Agus iarratas á dhéanamh agat, **caithfidh** tú a chur in iúl i gcuid 1 den fhoirm iarratais cé acu a bhaineann do thogra leis an aoisghrúpa seo nó nach mbaineann.

- Má fhreagraíonn tú 'Tá' ar an gceist seo san fhoirm iarratais agus má éiríonn le d'iarratas, beidh ort, mar choinníoll maoiniúcháin, a dheimhniú agus a léiriú go bhfuil beartais agus nósanna imeachta oiriúnacha um chosaint leanaí i bhfeidhm agat.
- Má éiríonn leat, iarrfar ort Féin-iniúchadh Dearbhaithe Cáilíochta na Comhairle Ealaíon i dtaca le Cosaint agus Leas Leanaí a chomhlánú ar <https://childprotection.artscouncil.ie/>. Téigh chuig www.tusla.ie le tuilleadh faisnéise a fháil maidir le Tús Áite do Leanaí.
- Éileofar ort freisin do chuid sonraí a nuashonrú sa táb faisnéise faoin bpróifíl sa chuntas Seirbhísí ar Líne (gabh chuig an rannán chun do chuntas a nuashonrú chun sin a dhéanamh).

Maidir le hiarratais a bhaineann le daoine fásta soghonta

Agus iarratas á dhéanamh agat, **caithfidh** tú a chur in iúl i gcuid 1 den fhoirm iarratais an bhfuil obair le nó le haghaidh daoine soghonta mar chuid de do thogra nó nach bhfuil. Má fhreagraíonn tú 'Tá' don cheist seo, cuireann tú in iúl go n-oibreoidh tú leis an gcohort seo nó go gcuirfidh tú obair i

láthair don gchórt seo mar chuid de do thogra agus go n-aithníonn tú go bhfuil tú ar an eolas maidir leis an *mBeartas agus na Nósanna Imeachta Náisiúnta um Chosaint Daoine Soghonta atá i mBaol Mí-úsáide** agus go gcloíonn tú leis (féach [anseo](#)).

*Tabhair faoi deara le do thoil go bhféadfaí iarradh ort níos mó fianaise a chur ar fáil i dtaca le cloí leis na beartais seo má bhíonn rath ar d'iarratas.

Measfar nach bhfuil d'iarratas incháilithe murar chuir tú an t-ábhar tacaíochta riachtanach isteach.

An fhormaid le haghaidh ábhar tacaíochta

Ní mór gach ábhar tacaíochta don chlár maoinithe seo a chur isteach ar líne. Ní ghlacfar le hábhar tacaíochta i gcruachóip.

Má bhíonn eolas uait faoi na formáidí ar féidir leat a úsáid faoi choinne an ábhair tacaíochta is mian leat a uaslódáil mar chuid de d'iarratas, féach ar chuid **2.3 Ullmhaigh aon ábhar tacaíochta atá riachtanach don iarratas.**

1.8 Incháilitheacht

Measfar go bhfuil d'iarratas **neamh-incháilithe** agus ní chuirfear é chun cinn go dtí an chéad chéim eile den phróiseas má bhaineann aon cheann de na rudaí seo a leanas leis:

1. Chuir tú an t-iarratas isteach i ndiaidh an spriocdháta.
2. Ní sheolann tú isteach foirm iarratais chomhlánaithe trí Sheirbhísí Ar Líne (ní ghlacfar le foirm iarratais a cheanglaítear mar cháipéis tacaíochta).
3. Níor chomhlánaigh tú gach cuid den fhoirm iarratais a bhaineann le do thogra.
4. Níl tú incháilithe iarratas a dhéanamh faoi na critéir a leagtar amach i gcuid 1.2 agus i gcuid 1.4 thuas.
5. Chuir tú isteach ar mhéid maoinithe atá níos mó ná an t-uasmhéid a cheadaítear don dámhachtain ar a bhfuil iarratas á dhéanamh agat, faoi mar a leagtar amach i gcuid 1.5 thuas.
6. Chuir tú iarratas isteach le haghaidh gníomhaíochta nó cuspóra nach féidir iarratas a dhéanamh ina leith faoi mar a leagtar amach i gcuid 1.6 thuas.
7. Níor chuir tú gach ceann de na hábhair thacaíochta riachtanacha mar a leagtar amach i gcuid 1.7 thuas ar fáil.
8. Tá d'iarratas níos oiriúnaí do chlár maoinithe eile a thairgeann an Chomhairle Ealaíon nó gníomhaireacht mhaoinithe eile (cuirimid an deis maoinithe níos oiriúnaí in iúl duit sa chás seo).

Tabhair faoi deara: sa chás go meastar go bhfuil d'iarratas neamh-incháilithe, ní dhéanfar measúnú air agus beidh tú in ann iarratas a dhéanamh leis an togra céanna i mbabhtáí maoinithe sa todhcháí.

2. An dóigh le d'iarratas a dhéanamh

2.1 Cláraigh le Seirbhísí ar Líne na Comhairle Ealaíon

Ní mór gach iarratas a dhéanamh trí Sheirbhísí ar Líne na Comhairle Ealaíon; ní ghlacfar le hiarratais a dhéanfar ar bhealach ar bith eile (sa phost, ar facs nó ar ríomhphost).

Ní mór go mbeadh cuntas Seirbhísí ar Líne agat chun iarratas a dhéanamh. Mura bhfuil cuntas Seirbhísí ar Líne agat cheana féin, cláraigh do chuntas tríd an bhfoirm chlárúcháin a chomhlánú anseo: <https://onlineservices.artscouncil.ie/register.aspx?&lang=gd-ge>.

Laistigh de chúig lá oibre, seolfar ARN (Uimhir Thagartha Ealaíontóra) uathúil agus pasfhocal chugat trí ríomhphost, agus beidh tú in ann úsáid a bhaint astu chun logáil isteach ar na Seirbhísí ar Líne.

Riachtanais maidir leis na Seirbhísí ar Líne a úsáid

Ní mór do do ríomhaire agus don bhrabhsálaí Idirlín na riachtanais seo a leanas a chomhlíonadh ionas go n-oibreoidh na seirbhísí ar líne duit:

PC Córas oibriúcháin Windows 7 nó leagan níos déanaí de Windows leis na leaganacha brabhsálaithe seo a leanas: Microsoft Edge (v.94) nó Firefox (v.27) nó Chrome (v.33), nó leagan níos déanaí d'aon cheann de na brabhsálaithe sin.

Mac Mac OS X v10.5 Leopard nó leagan níos déanaí de chóras oibriúcháin Mac leis na leaganacha brabhsálaithe seo a leanas: Safari (v.3.1) nó Firefox (v.27) nó Chrome (v.32) nó Microsoft Edge (v.94), nó leagan níos déanaí d'aon cheann de na brabhsálaithe sin.

Tabhair faoi deara: Má choisceann Safari 11 uaslódáil cáipéisí, úsáid leagan níos déanaí de Safari, nó brabhsálaithe difriúla ar nós Firefox, Chrome, nó Microsoft Edge.

Tabhair faoi deara: ní mór go mbeadh Microsoft Word nó OpenOffice Writer ar an ríomhaire freisin chun an fhoirm iarratais féin a chomhlánú. Bogearra saor in aisce is ea OpenOffice Writer is féidir a íoslódáil anseo: <https://www.openoffice.org>.

Úsáideoirí OpenOffice

Féach ar ár bhfíseán *Using OpenOffice to download, complete and upload the application form* ag <https://www.youtube.com/watch?v=iT9Xxgmg0Eo>.

Ní mór duit OpenOffice Writer leagan 4.0.1 nó níos luaithe a úsáid. Nuair a úsáidtear leaganacha níos déanaí ná 4.0.1 de OpenOffice Writer athraíonn an chaoi a bhfeictear ár bhfoirmeacha iarratais nuair a chuirtear isteach trí Sheirbhísí ar Líne iad.

Nótaí tábhachtacha d'úsáideoirí Apple Mac

- Tabhair faoi deara an chuid san fhíseán YouTube (ag 1 nóim. 20, tá an nasc ar fáil thuas) ina bpléitear leis an leagan 4.0.1 a íoslódáil ar ríomhairí Mac ar a mbeadh an córas oibriúcháin Mac OS Mojave nó leagan níos luaithe suiteáilte.
- Ní féidir OpenOffice 4.0.1 a íoslódáil ar Mac ar a bhfuil an córas oibriúcháin MAC OS Catalina. Má tá an córas oibriúcháin seo nó leagan níos déanaí de suiteáilte ar do Mac, beidh ort leagan 4.1.9 de OpenOffice, nó leagan níos nuá de, a íoslódáil agus a úsáid.

Mura féidir leat aon cheann de na riachtanais sin a chomhlíonadh nó mura dtuigeann tú iad, téigh i dteagmháil linn le comhairle a fháil chomh luath agus is féidir leat roimh an spriocdháta.

Fág do dhóthain ama agat féin chun an t-iarratas a chomhlánú

Ba cheart duit eolas a chur ar shuíomh gréasáin na Seirbhísí ar Líne tamall maith roimh an spríodhata agus roimh duit iarratas a ullmhú. Is dócha go mbeidh an-chuid cuairteoirí ar an suíomh tráthnóna an spríodhata. Ba cheart duit d'iarratas a ullmhú agus a chur isteach tamall maith roimh an spríodhata.

D'fhéadfadh an t-am uaslódála a bheith i bhfad níos faide ná an t-am íoslódála. D'fhéadfadh sé go dtógfadh sé níos faide ná mar a cheapfá d'ábhar tacaíochta a uaslódáil.

Tacaíocht theicniúil a fháil

Má bhíonn tacaíocht theicniúil uait agus iarratas ar líne á dhéanamh agat, is féidir leat dul i dteagmháil leis an gComhairle Ealaíon ach ríomhphost a sheoladh chuig onlineservices@artscouncil.ie nó trí ghlaoch a chur ar 01 6180200/01 6180243. Molaimid duit aon deacrachtaí teicniúla a thuirisciú dúinn tamall maith roimh an spríodhata. Tabhair uimhir ghutháin agus déan cinnte go bhfuil tú ar fáil chun glaoch uainn a fhreagairt.

Déileálaimid le fiosruithe ar bhonn tús freastail ar an gceann is túisce.

Cuimhnigh go ndéantar anrud glaonna ag druidim leis an spríodhata agus go mb'fhéidir nach réiteofar glaonna i dtaobh tacaíocht theicniúil a gheofar tar éis a 2.00 p.m. ar lá an spríodhata.

2.2 Líon isteach an fhoirm iarratais

Mura bhfuil sé seo déanta agat cheana féin, íoslódáil an fhoirm iarratais don dámhachtain ar mian leat iarratas a dhéanamh uirthi. Is cáipéis Microsoft Word/OpenOffice Writer í an fhoirm iarratais, a chomhlánóidh tú as líne (ar do ríomhaire féin). Tugtar treoir ar an bhfoirm iarratais maidir le conas gach cuid den fhoirm a líonadh isteach.

Tabhair faoi deara: tá an fhoirm iarratais leagtha amach chun go mbeidh an Chomhairle Ealaíon in ann faisnéis a bhaint uaithi chun críocha measúnaithe. Tá sé **thar a bheith tábhachtach** go mbeidh freagraí clóscríofa sna boscaí liatha ar an bhfoirm, agus nach mbainfear iad agus/nó nach mbeidh rud ar bith clóscríofa lasmuigh díobh. Má dhéanann tú é sin, beidh fadhbanna ann agus d'fhoirm á huaslódáil.

2.3 Ullmhaigh aon ábhar tacaíochta atá riachtanach don iarratas

Ní mór duit ábhar tacaíochta a chur isteach le d'iarratas. Mar shampla, d'fhéadfadh go mbeadh CV nó samplaí de shaothar reatha de do chuid i gceist leis seo – e.g. téacs, físeán, íomhánna nó taifeadtaí fuaimne (féach ar chuid **1.7 Cén t-ábhar tacaíochta nach mór duit a chur isteach le d'iarratas?**).

Ní mór duit an t-ábhar tacaíochta uile den sórt sin a chur isteach ar líne – ba cheart duit, más gá, ábhar a scanadh nó a shábháil i bhformáid leictreonach.

Na formáidí comhaid a nglactar leo

Liostaítear sa tábla seo a leanas formáidí comhaid le haghaidh ábhar tacaíochta.

Cineál comhaid	Iarmhír comhadainm
téacscomhaid	.rtf/.doc/.docx/.txt
comhaid íomhá	.jpg/.gif/.tiff/.png
comhaid fuaimne	.wav/.mp3/.m4a
comhaid físe	.avi/.mov/.mp4

scarbhileoga	.xls/.xlsx
Comhaid Adobe Acrobat Reader	.pdf

Ar mhaithe le háisiúlacht, bailigh le chéile na comhaid go léir a theastóidh uait in áit inrochtana ar do ríomhaire.

Naisc URL a chur isteach

Féadfaidh tú naisc a chur ar fáil chuig ábhar atá á óstáil ar YouTube (www.youtube.com) nó suíomhanna gréasáin eile ar féidir comhaid a chomhroinnt orthu (e.g. Vimeo, Soundcloud) seachas an t-ábhar a uaslódáil go díreach. Chun é sin a dhéanamh, cóipeáil an URL (seoladh iomlán na háite ina bhfuil d'ábhar á óstáil) isteach i gcáipéis *Microsoft Word* nó *OpenOffice Writer* nó doiciméad PDF agus uaslódáil é mar cháipéis tacaíochta ina bhfuil nasc gréasáin.

Tabhair faoi deara: ní bhreathnóidh na measúnóirí ach amháin ar ábhar arna chur isteach agat de réir an nasc URL a gcuireann tú ar fáil. Seiceáil go n-oibríonn an nasc ó laistigh den cháipéis a uaslódálfadh tú – i.e., go nascann sé i gceart le d'ábhar.

Mura mian leat go mbeadh ábhar a uaslódálann tú chuig YouTube le haghaidh d'iarratais le feiceáil go poiblí, féadfaidh tú d'fhíseán a ainmniú mar cheann 'neamhliostaithe' sna socruithe. Ná marcáil d'ábhar mar 'príobháideach' mar nach mbeidh measúnóirí na Comhairle Ealaíon in ann breathnú air.

Comhaid a ainmniú go cuí

Maidir le gach comhad a bhfuil sé ar intinn agat é a uaslódáil, tabhair comhadainm air a léiríonn go soiléir cad atá ann nó cad a léirítear leis. Mar shampla ba cheart go mbeadh sé soiléir ó ainm an chomhaid cibé an CV, téacs samplach nó léirmheas ar shaothar roimhe seo atá sa cháipéis.

Cuir cáipéisí tacaíochta isteach i gcomhaid ar leith atá ainmnithe go cuí.

Ainmneacha	russelljack iarratas ar Thionscadal Ailtireachta.doc
maithe le tabhairt ar chomhaid i gcás iarratasóra darb ainm Jack Russell	russelljack gearrthóg taibhithe.mp4
	russelljack Tionscadal ailtireachta teimpléad buiséid babhta 2.xls
	russelljack nasc youtube.doc

Is é **40 MB** an t-uasmhéid iomlán maidir leis an ábhar tacaíochta ar fad a uaslódáiltear le hiarratas amháin.

2.4 Iarratas a dhéanamh ar líne

Chun d'iarratas a chur isteach ar líne, ní mór duit dul trí cheithre phríomhchéim. Cliceáil ar **Sábháil dréacht** ag deireadh gach céime. Is féidir leat teacht ar ais chuig d'iarratas agus é a athbhreithniú tráth ar bith sula gcuirfidh tú isteach ar deireadh é.

2.4.1 Roghnaigh clár maoinithe agus íoslódáil foirm iarratais

Chun tús a chur le hiarratas nua, cliceáil ar an gcnaipe **Déan iarratas** ar do leathanach baile, agus lean na leideanna chun an clár cuí maoinithe a roghnú agus chun uimhir uathúil thagartha a thabhairt do d'iarratas, trína n-aithneofar é. Ag an gcéim seo, is féidir leat an fhoirm iarratais a íoslódáil freisin (mura bhfuil sé sin déanta agat cheana féin).

2.4.2 Iarr méid an mhaoinithe

Ag an gcéim seo, sonraigh an caiteachas agus an t-ioncam a bhaineann le do thogra, agus méid an mhaoinithe atá á iarraidh agat. Ba cheart gurb ionann **an Méid atá á iarraidh** agus **Caiteachas iomlán** lúide **Ioncam iomlán**. Ba cheart go mbeadh na figiúirí deiridh a iontrálann tú anseo díreach cosúil leo siúd a iontrálann tú i gcuid 3 den fhoirm iarratais agus i do bhuiséad mionsonraithe.

2.4.3 Uaslódáil an fhoirm iarratais agus an t-ábhar tacaíochta

Lean na leideanna chun d'fhoirm iarratais atá comhlánaithe agat a uaslódáil, mar aon le buiséad mionsonraithe, CVanna agus aon ábhar tacaíochta riachtanach eile (féach ar chuid **1.7 Cén t-ábhar tacaíochta nach mór duit a chur isteach le d'iarratas?**). Ní gá duit gach rud a uaslódáil ag an am céanna. Is féidir leat d'iarratas a shábháil mar dhréacht, agus teacht ar ais chuige níos déanaí.

Tabhair faoi deara: má tá tú muiníneach go bhfuil d'fhoirm iarratais líonta isteach i gceart agus go bhfuil sí sábháilte mar chomhaid **.docx**, ach tagann fógra aníos ag rá nach féidir an fhoirm a uaslódáil, sábháil í mar chomhaid **.doc** agus déan iarracht í a uaslódáil arís.

2.4.4 Seol an t-iarratas

Nuair a bheidh tú sásta go bhfuil gach rud atá de dhíth chun tacú le d'iarratas uaslódáilte agat agus tic curtha leis an dearbhú agat, cliceáil **Cuir isteach**.

Ní féidir an t-iarratas a athrú tar éis é a chur isteach. Ná cuir an t-iarratas isteach go dtí go mbeidh tú iomlán sásta leis.

Ba cheart go bhfaighfeá dhá ríomhphost. Eiseofar an chéad cheann láithreach bonn nuair a gheobhaidh an Chomhairle Ealaíon d'iarratas. D'fhéadfá an dara ceann a fháil cúpla nóiméad ina dhiaidh sin agus d'uimhir iarratais ann, a úsáidfear i ngach comhfhreagras a bhaineann leis an iarratas seo. **Tabhair faoi deara:** tá sé tábhachtach go rachfá i dteagmháil le onlineservices@artscouncil.ie mura bhfaigheann tú an dara ríomhphost deimhnithe ina mbeidh an uimhir iarratais.

3. Próiseáil agus measúnú na n-iarratas

3.1 Forbhreathnú

Déanann an Chomhairle Ealaíon gach iarratas a mheas, tugann sí breith orthu agus cuireann sí a breith in iúl do na hiarratasóirí de réir na nósanna imeachta atá leagtha síos. Is é an aidhm atá ann a chinntiú go bhfuil córas cothrom trédhearcach ann maidir le maoiniú a bhronnadh.

3.2 An próiseas measúnaithe

Déanann an Chomhairle Ealaíon gach iarratas a fhaightear a phróiseáil mar seo a leanas:

- 1 I ndiaidh d'iarratas a chur isteach, ba cheart go bhfaighfeá dhá ríomhphost:
 - Eiseofar an chéad cheann láithreach bonn, agus admhófar d'iarratas leis.
 - Ba cheart go dtiocfadh an dara ceann cúpla nóiméad ina dhiaidh sin. Beidh d'uimhir iarratais ann, a mbainfimid úsáid aisti sa chomhfhreagras ar fad a bhaineann le d'iarratas.

Tabhair faoi deara: ní chiallaíonn na ríomhphoist seo ach go n-aithníonn an córas ar líne gur chuir tú iarratas isteach. Ní chiallaíonn siad go bhfuil d'iarratas incháilithe le haghaidh maoiniú.

Mura bhfaigheann tú ríomhphost ina mbeidh d'uimhir iarratais, téigh i dteagmháil le onlineservices@artscouncil.ie

- 2 Seiceáiltear inghlacthacht an iarratais. Féach ar chuid 1.8 ar 'Incháilitheacht' thuas.
- 3 I roinnt cásanna, b'fhéidir nach é an réimse ealaíon a ndearna tú iarratas air an ceann is oiriúnaí do do thogra. I gcás mar sin, déanfaimid teagmháil leat agus fiafróimid díot an bhfuil tú sásta go mbogfaimid d'iarratas chuig foireann ealaíon níos oiriúnaí. Beidh ort ansin rogha a dhéanamh d'iarratas a bhogadh, nó é a fhágáil faoin réimse ealaíon a ndearna tú iarratas air.
- 4 Déanann comhairleoir(i) agus/nó an fhoireann measúnú scríofa ar an iarratas bunaithe ar na critéir mheasúnaithe a leagtar amach i gcuid 3.3 thíos.
- 5 Molann comhairleoir(i) agus/nó an fhoireann ar cheart iarratas a chur ar an ngearrliosta nó nár cheart.
- 6 Déanann an painéal piaraí athbhreithniú ar na hiarratais go léir ar an ngearrliosta agus ar an ábhar gaolmhar, ansin tugann sé scóir agus déantar cinntí.
- 7 Cuirtear na cinntí in iúl do na hiarratasóirí i scríbhinn.
- 8 Déanann an Chomhairle nóta de na cinntí.

Achar ama

Déanann an Chomhairle Ealaíon dianiarracht iarratais a mheasúnú chomh luath agus is féidir ach mar gheall ar líon na n-iarratas agus ar an bpróiseas dianmheasúnaithe, tógfaidh sé suas le deich seachtaine ón spríodhata go dtí go ndéanfar an cinneadh.

3.3 Critéir chun iarratais a mheasúnú

Déantar iarratais a mheasúnú i gcomhthéacs iomaíoch agus cuirtear na hacmhainní atá ar fáil san áireamh. Déantar measúnú ar gach iarratas i gcoinne na gcritéir seo a leanas: **a)** fiúntas ealaíne, **b)** an chaoi a gcomhlíonann siad cuspóirí agus tosaíochtaí na dámhachtana, agus **c)** indéantacht. Cuirtear síos ar gach ceann de na critéir sin thíos.

Cé go bhféadfadh iarratasóirí foirmeacha ealaíne/cleachtais ealaíon eile a roghnú mar chinn a bhaineann lena n-iarratas, déanfaidh an fhoireann atá freagrach as an bpríomhfhoirm ealaíne roghnaithe measúnú ar an iarratas agus d'fhéadfaidís siúd, i gcásanna áirithe, measúnú tánaisteach a iarraidh ó fhoireann eile.

Fiúntas ealaíne

I gcás an mheasúnaithe ar an bhfiúntas ealaíne, díritear ar chleachtas an iarratasóra roimhe sin agus ar nádúr na gníomhaíochta atá beartaithe, chomh maith leis an méid seo a leanas:

- Caighdeán an smaoinimh agus na gníomhaíochta ealaíon atá beartaithe de réir mar atá léirithe san fhoirm iarratais agus sna hábhair thacaíochta a cuireadh isteach
- Cuntas teiste an iarratasóra de réir mar atá léirithe sa CV nó sna CVanna agus sna hábhair thacaíochta eile a cuireadh isteach
- Cumas an iarratasóra mar atá léirithe san fhoirm iarratais agus sna hábhair thacaíochta eile a cuireadh isteach
- Comhthéacs na foirme ealaíne nó an chleachtais ealaíon lena mbaineann an ghníomhaíocht atá beartaithe
- An uailmhian, an úrnuacht agus an inniúlacht atá léirithe ag an ealaíontóir.

Cuspóirí agus tosaíochtaí na dámhachtana a bhaint amach

Déantar iarratais a mheasúnú de réir a fheabhas a éiríonn leo cuspóirí agus tosaíochtaí na dámhachtana a chomhlíonadh; feic cuid 1.1 le haghaidh sonraí.

Indéantacht

Breathnaítear sa mheasúnú indéantachta ar an gcumas a léiríonn an t-iarratasóir an ghníomhaíocht atá beartaithe a chomhlíonadh. Áirítear leis sin meastachán a sholáthar maidir leis na nithe a leanas:

- Na daoine a bhfuil baint acu leis an tionscadal a bhainistiú, a riar, agus a sholáthar
- A mhéid a léiríonn an t-iarratasóir go bhfuil coinníollacha agus luach saothair cothrom á soláthar do na healaíontóirí rannpháirteacha
- Comhpháirtithe eile a bheith rannpháirteach sa tionscadal
- An buiséad atá beartaithe
- Foinsí eile ioncaim
- Acmhainní eile atá ar fáil agus an teacht atá orthu
- An clár ama nó an sceideal atá beartaithe.

3.4 Painéil phiaraí

Is é cuspóir chruinnithe an phainéil piaraí ná éagsúlacht tuairimí saineolacha a cheadú chun faisnéis a chur ar fáil don phróiseas cinnteoireachta. De ghnáth cuimsíonn painéil phiaraí triúr moltóirí seachtracha ar a laghad a bhfuil saineolas ábhartha acu ar an bhfoirm ealaíne agus/nó ar an gcleachtas ealaíon.

Bíonn comhalta de chuid na Comhairle Ealaíon i gceannas ar gach cruinniú de ghnáth agus gníomhaíonn an comhalta sin mar chathaoirleach gan ceart vótála. Freastalaíonn comhairleoirí agus foireann na Comhairle Ealaíon ar na cruinnithe de réir mar is gá, agus bíonn na daoine a raibh baint acu le measúnú tosaigh na n-iarratas ar fáil chun faisnéis a sholáthar, de réir mar is gá. Beidh rochtain ag lucht an phainéil ar gach iarratas ar an ngearrliosta agus ar an ábhar gaolmhar go léir lá roimh an gcruinniú, tráth a ndéanann siad na hiarratais ar an ngearrliosta a athbhreithniú, a phlé agus a scóráil. Ina dhiaidh sin, déantar iarratais a rangú de réir scóir. Mar thoradh ar an gcomhthéacs iomaíoch agus ar an mbuiséad ar fáil, is dóigh nach mbeidh an Chomhairle Ealaíon in ann a mhaoiniú ach líon beag de na hiarratais a gheofar.

Próiseas Scórála

Iarrtar ar an bpainéal na hiarratais a scóráil de réir an chórais seo a leanas:

- A – Caithfear a Mhaoiniú (10 bpointe): dar leis an gcomhalta painéil gur comhlíonadh na critéir go léir san iarratas le haghaidh na dámhachtana agus go bhfuil maoiniú tuillte aige ar an mbonn sin, an méid atá á iarraidh más féidir.
- B – Ba Chóir a Mhaoiniú (8 bpointe): dar leis an gcomhalta painéil gur comhlíonadh na critéir san iarratas an oiread sin go bhfuil maoiniú tuillte aige má tá acmhainní ar fáil.
- C – D'fhéadfaí a Mhaoiniú (5 phointe): dar leis an gcomhalta painéil gur comhlíonadh na critéir san iarratas, ach ní an oiread sin leis na hiarratais eile ó thaobh iomaíochta de.
- D – Ní Tosaíocht É (2 phointe): dar leis an gcomhalta painéil nár comhlíonadh na critéir san iarratas an oiread sin go bhfuil maoiniú tuillte aige.

Dearbhú leasa

D'fhonn cothroime agus cothromas sa chinnteoireacht a chinntiú, ní mór do chomhaltaí painéil leas a dhearbhu má tá dlúthcheangal pearsanta nó gairmiúil acu le hiarratasóir nó má tá baint acu ar shlí ar bith leis an iarratas. Féadann 'leas' a bheith ina 'leas airgid' nó ina 'leas neamhairgid' (e.g. gaol muintire, comhpháirtíochtaí pearsanta, nó comhpháirtíochtaí gnó idir fhoirmiúil agus neamhfhoirmiúil, etc.)

Ní mór an leas a dhearbhu a luaithe agus is eol don chomhalta painéil é. D'fhéadfadh sé sin tarlú nuair a iarrtar air/uirthi suí ar an bpainéal (más eol an 'leas' ag an bpointe sin) nó tar éis liosta na n-iarthóirí a fháil. I gcás go ndearbhaítear leas, ní bhfaighidh an comhalta painéil sin páipéir a bhaineann leis an iarratas sin agus beidh air nó uirthi an seomra a fhágáil nuair a bhíonn an t-iarratas ar leith á athbhreithniú. Nuair a thagann an cás sin aníos, vótálfaidh an Cathaoirleach in ionad an chomhalta painéil.

I roinnt cásanna b'fhéidir nach dtuigfeadh comhalta painéil go bhfuil coinbhleacht leasa ann go dtí go bhfaigheann sé/sí na páipéir phainéil chun iad a athbhreithniú. I gcásanna den sórt sin ní mór don chomhalta painéil ball foirne den Chomhairle Ealaíon nó Cathaoirleach an phainéil a chur ar an eolas chomh luath agus a thuigeann siad go bhféadfadh coinbhleacht leasa a bheith i gceist.

Sa chás go gcuireann beirt ón bpainéal in iúl go bhfuil coinbhleacht leasa acu i leith aon iarratais amháin, beidh an cathaoirleach páirteach mar chuid den phróiseas cinnteoireachta i gcás an iarratais shonraigh sin.

Má tá coinbhleacht leasa ag Cathaoirleach ainmnithe an phainéil, ní mór dó/di é sin a dhearbhu a luaithe agus is eol dó/di go bhfuil a leithéid ann agus an fógra sin a thabhairt i scríbhinn roimh an gcruinniú. Sa chás sin, beidh an Ceann Foirne mar chathaoirleach ar an bplé a dhéanfar maidir leis an iarratas a bhfuil coinbhleacht leasa i gceist leis.

3.5 Toradh na n-iarratas

Cuirtear gach iarratasóir ar an eolas i scríbhinn maidir le toradh a n-iarratas.

Má éiríonn le d'iarratas, cuirfear litir thairisceana chugat ina sonrúfar méid an mhaoinithe a bhronnfar ort agus téarmaí agus coinníollacha na dámhachtana. Inseofar duit freisin conas do dhámhachtain a tharraingt anuas.

Faigheann an Chomhairle Ealaíon líon mór iarratas, agus bíonn an t-éileamh ar mhaoiniú i gcónaí níos mó ná na hacmhainní a bhíonn ar fáil. Mura n-éireoidh le d'iarratas, is féidir leat aiseolas a iarraidh ar fhoireann na Comhairle Ealaíon. Níl aon ghealltanais ann go mbronnfar dámhachtain mar gheall ar incháilitheacht agus ar chomhlíonadh nósanna imeachta iarratais amháin.

Níl iarratasóirí nach n-éireoidh leo incháilithe chun iarratas a dhéanamh ar dhámhachtain eile de chuid na Comhairle Ealaíon le tabhairt faoin ngníomhaíocht chéanna. Más dóigh leis an gComhairle Ealaíon go mbeadh an ghníomhaíocht atá beartaithe níos feiliúnaí do chlár dámhachtana eile is féidir eisceacht a dhéanamh. I gcás dá leithéid, cuirfear é sin in iúl duit i scríbhinn.

Achomhairc

Is féidir le hiarratasóirí cinneadh maoinithe a achomharc má mheasann siad gur sáraíodh nósanna imeachta foilsithe na Comhairle Ealaíon, nó gur cuireadh i bhfeidhm go héagórach iad nó nár cloíodh

leo. Má mheasann tú nár cloíodh le nósanna imeachta na Comhairle Ealaíon, breathnaigh ar an bpróiseas achomharc ar <http://www.artscouncil.ie/ga/Maoiniu/Achomhairc/> nó téigh i dteagmháil leis an gComhairle Ealaíon le haghaidh cóip den bhileog faisnéise faoin bpróiseas achomharc.